



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LEKHAYA (HL)

IPHEPHA LOKUTHOMA (P1)

FEBHERBARI/MATJHI 2017

IMITLOMELO: 70

ISIKHATHI: Ama-iri ama-2

Iphepheli linamakhasi ali-15.

YELELA

1. Iphepheli LINEENGABA EZINTATHU: ISIGABA A, B kanye NESIGABA C.

ISIGABA A: Ukufunda nokuzwisia	(30)
ISIGABA B: Ukurhunyeza	(10)
ISIGABA C: Izakhi nemithetjhvana yokusetjenziswa kwelimi	(30)
2. Phendula YOKE imibuzo.
3. Thoma isigaba ESINYE NESINYE ekhasini ELITJHA.
4. Thalela ngemva kokuphendula imibuzo YESIGABA NGASINYE.
5. Tlola iinomboro zeempendulo zakho zifane patsi nangendlela ezinonjorwe ngayo ephepheni lemibuzo.
6. Tjhiya umuda OWODWA ngemva kwaleyo naleyo pendulo.
7. Yeleta kobana upeleda amagama ngendlela efaneleko bewutlole nemitjho ezwakalako.
8. Isikhathi esiphakanyisweko sokutlola isigaba ngasinye:

ISIGABA A: Pheze imizuzu ema-50	
ISIGABA B: Pheze imizuzu ema-30	
ISIGABA C: Pheze imizuzu ema-40	
9. Tlola kuhle nangesandla esibonakalako.

ISIGABA A: UKUFUNDA NOKUZWISISA**UMBUZO 1**

Phendula imibuzo engaphasi kwetheksthi eku-1.1 nengaphasi kwesithombe esiku-1.2.

- 1.1 Funda itheksthi engenzasi bese uphendula imibuzo elandelako.

ITHEKSTHIA**UMTHETHOKAMBISO WOBULELESI WESEWULA AFRIKA**

- 1 UmThethokambiso wenarha yeSewula Afrika sigungu somthetho olawula ubulelesi obenziwa enarheni le mazombe. UmThethokambiso lo ulawula indlela abantu abaphilisana ngayo nendlela abaziphatha ngayo emphakathini abaphila kiwo. UVan Der Walt nakahlathulula ubulelesi uthi; '*Is a conduct which is common or statute law that prohibits and expressly or impliedly subjects to punishment remissible by the state alone and which the offender cannot avoid by his own act once he has been convicted*'. Ubulelesi bufaka hlangana ukuzwisa umphakathi ubuhlungu, ukuthusela, ukulimaza ipahla yomunye umuntu nofana yomphakathi, ukubeka masikizi amaphilo wabanye abantu, ukuphikisana nomThethokambiso wokuziphatha komphakathi othileko kanye nokusebenzisa iindakamizwa ngaphandle kwemvumo ebuya kudorhodera. ImiThethokambiso elawula ubulelesi ayifani ngamandla wamalungelo wokusebenza kwayo nangokwemithetho ephathelene nezakhamuzi zenarha. Ngamanye amagama enye nenye inarha inomThethokambiso wobulelesi bayo oqalelele izakhamuzi zenarha leyo. 15
- 2 Umsebenzi womThethokambiso wobulelesi kuletha isisombululo esikatelela amalunga womphakathi bonyana ahlukane nokuziphatha okuhlukumeza amanye amalunga nofana ezinye izakhamuzi zenarha. Ngokuya komThethokambiso wobulelesi weSewula Afrika, umuntu ubekwa umlandu ngokobana kube nobufakazi obubonakalako bomlandu abekwa wona. Ngamanye amagama nakungakaveli ubufakazi obuphathekako umthetho lo awunamandla wokubeka umuntu loyo umlandu. Okutjho bona ubamsolwa kufikela lapha kuvela khona ubufakazi obuphathekako bomlandu asolwa ngawo lowo. UmThethokambiso wobulelesi weSewula Afrika wakhelelw phezu kwemithombo yokuziphatha ejayelekileko, umthetho womlandu nemithetho ehlonya malunga wepalamende ngaphasi kwelihlo lakamongameli wenarha. UmThethokambiso wobulelesi lo uyingceny yokulawula ukuziphatha kwavo woke umuntu nendlela umuntu ajeziswa ngayo lokha nakangakawulandeli ngefanelo. Isifundo sezomthetho enarheni le siqalelele khulu emthethweni wobufakazi obuphathekako, obufana nokobana umsolwa ubekwa umlandu kwaphela nangabe kunobufakazi bamambala bomlandu asolwa ngawo. Kunomehluko phakathi komthetho wobulelesi olawula inarha nomthetho wobulelesi olawula iphasi mazombe. Igama elithi; '*UmThethokambiso wobulelesi*' litjho ubulelesi obuphathelene nokuphula umthetho wenarha, njengeSewula Afrika nokuphulwa komthetho wephasi mazombe olawulwa mthetho wenarha walapha ubulelesobo benzelwe khona. 35

- 3 UmThetho wezobuLungiswa weSewula Afrika unqophe ekugandeleleni bona woke umuntu ulandela umthetho ngefanelo, ugandelele ukutjhutjhiswa kwalabo abaphule umthetho begodu nokujezisa kwalabo abafunyenwe bamlandu. Ngileyo ngcenyе yerherho lomthetho ebeka umbandela nekambiso yokobana umuntu otholwe amlandu umbuso umjezisa ngayiphi indlela. Umbuso unikela isilelesi isijeziso ngokusemtethweni ngomnqopho wokusizwisa ubuhlungu ngesenzo esisenzileko ukwenzela bona singasasenza nangelineyе ilanga. 40 45
- 4 Kunamathiyori amanengi wokujezisa. Amathiyori la aneminqopho emibili. Umnqopho wokuthoma ngonikela isizathu sokujezisa bese wesibili kuba ngewokuhlathulula umhlobo nesilinganiso semihlobo ehlukahlukene ko yokujezisa. Imihlobo yamatheyori yokujezisa le inqophe ukuphendula imibuzo yokobana kubayini ihlelo lomThethokambiso lobulelesi lijezisa iinlelesi ngokuhlukahlukana kwemilandu eziyenzileko. Amathiyori wokujezisa la ahlukaniseke imihlobo emithathu bese isijeziso esinye nesinye isilelesi esisinkelwa mtjhutjhisи siqalelelwa ngokutjheja okutjhiwo mathiyori la. Ithiyori yokuthoma ngeyokujezisa ngokupheleleko, njengokuthi isilelesi sinikelwa isijeziso esilingana nobulelesi esibenzileko. Ukuzwissa ngcono ithiyori le singenza isibonelo ngomThethokambiso wobulelesi wakade wokujezisa obegade uthi nangabe umuntu ukhuphe omunye ilihlo naye kufanele ajeziswe ngokobana akhutjhwe ilihlo. Okufanele kutjhejwe ngethiyori le kumThethokambiso wobulelesi wanamhlanje kukobana singayithathi njengesineziso sokuzibuyiselela. Okutjhejwako emthethwenikambiso 60 wobulelesi ngaphasi kwethiyori le namhlanje akusikho ukuzibuyiselela kodwana kubuyisela esigeni ubutjhaphonofana ubulelesi obenziweko. 50 55
- 5 Enye ithiyori yokujezisa mhlobo wokujezisa isilelesi ngendlela yokobana kube khona okuthileko okuzuzwa mphakathi ngesigwebo esinkelwa sona, njengokuthi isilelesi sithunyelwe endaweni ethileko yomphakathi bona siyoyihlwengisa. Umhlobo lo wethiyori uhlukaniseke imihlotjana emithathu okukuvikela, ukuvimbela nobulungiswa. Imihlotjana emibili le ekukuvimbela nokuvikela iyahlobana ngombana umnqopho wayo kuvimbela nokuvikela bona isilelesi singabuyeleti silelese godu. Ngokuya komthetjhwana wethiyori yokuvikela umnqopho wokujezisa kuvikela ubulelesi kodwana ithiyori le ingadlulela ethiyorini yokuvimbela neyobulungiswa njengombana zoke zibonakala ziziindlela zokuvikela ubulelesi. 65 70
- 6 Nanyana kunjalo singatjho bona woke amathiyori la aqalene nokulungiswa kobulelesi kanti anobuhle nobumbi. Indlela ekufanele asetjenziswe ngayo ifanele iqalisiswe bona idzimelele begodu umphumela wayo kungilowo onqotjhiweko nozuzisa umphakathi. Ngamanye amagama isilelesi asikafaneli bona ukujezisa kwaso kubangele bona sigcine sele siyingozi emphakathini. Kungebangelo umbuso weSewula Afrika utjhugulule iindawo zokuhlalisa kweenlelesi ezabe zaziwa ngamajele wombuso webandlululo wazenza iindawo zobulungiswa. 75 80

[Ithethwe ku-inthanethi yatjhugululelwa esiNdebeleni]

- 1.1.1 Tlola isizathu esenza bona enye nenyi inarha ihlome umThethokambiso wobulelesi wayo. (1)
- 1.1.2 Ngokutjho kwetheksthi engehla le kuthiwa bobani abanamandla wokutlama umThethokambiso wenarha wokulawula ubulelesi? (1)
- 1.1.3 Ngokuya kwehlathululo kaVan Der Walt kuthiwa ngesinjani isenzo esithathwa njengobulelesi? (2)
- 1.1.4 Rhunyeza ngomutjho OWODWA okungakusindisa ngokomThethokambiso wobulelesi weSewula Afrika lokha nawusolelwa ngobulelesi ongakabenzi. (2)
- 1.1.5 Tlola okufanako phakathi kwethiyori yokuvikela ubulelesi nethiyori yokuvimbela ubulelesi. (2)
- 1.1.6 Ucabanga bona ungabayini umehluko wokujezisa iinlelesi phakathi kombuso nomphakathi? (2)
- 1.1.7 Ucabanga bona kungebangla lani umbuso ukhethe ukutjhugulula umthetho wokujezisa wakade wokobana umuntu nakakhuphe omunye ilihlo naye akhutjhwe ilihlo? (2)
- 1.1.8 Hlathulula indlela ozwisia ngayo ithiyori yokujezisa ekuthiwa kujezisa ngokupheleleko. Ipendulo ayibe liphuzu ELILODWA. (2)
- 1.1.9 Ngokuya komThethokambiso wobulelesi weSewula Afrika khetha isenzo esingaweli ngaphasi kobulelesi kezingenzasi.
- A Ukulimaza ipahla yomunye umuntu nofana yomphakathi.
 - B Ukubeka masikizi amaphilo wabanye abantu.
 - C Ukubhema inyawupe.
 - D Ukuphikisana nomThethokambiso wokuziphatha komphakathi othileko.
- (2)
- 1.1.10 Ngokwetheksthi engehla le kuthiwa umThethokambiso wobulelesi weSewula Afrika udzimelele phezu kobufakazi ngaphambi kobana ubeke umsolwa umlandu. Akhe utshwaye ngelihlo elibukhali ubuhle nobumbi bomthetho lo. (2)
- 1.1.11 Nange unganikelwa ithuba lokobana ujezise isilelesi ngiyiphi ithiyori yokujezisa ongayisebenzisa begodu kubayini ungakhetha lowomhlobo wethiyori yokujezisa? Ipendulo ayibe liphuzu ELILODWA. (2)

1.2 Qalisisa iinthombe ezilandelako bese uphendula imibuzo.

ITHEKSTHI B

ISITHOMBE 1



ISITHOMBE 2



ISITHOMBE 3



[Zigugulwe ku-inthanethi]

- 1.2.1 Qala izinto ezisesithombeni soku-1 bese utlola imilandu **EMIBILI** engasetjenziswa njengobufakazi bekhotho nakugwetjwa umuntu. (2)
- 1.2.2 Tlol ainzathu **EZIMBILI** ezenza bona lokha amapholisa nakasolela nofana aleka umuntu ngomlandu othileko athome ngokumfaka amahagabhoyi. (2)
- 1.2.3 Phendula isitatimende esingenzasi ngoLIQINISI nofana **AKUSILIQINISO** bese usekela isiqunto osithathako ngokuqalisa kesinye seenthombe ezingehlezi.

abantu abalelesako ngabangasebenziko nabangakafundi kwaphela kodwana abasebenzako nabafundileko ababotjhwa ngombana ababenzi ubulelesi. (2)

- 1.2.4 Hlathulula ikghonakalo yokobana iinthombe ezingehlezi zontathu zingasetjenziselwa ukukhombisa irherho lomlandu obekwe umuntu oyedwa. (2)
- 1.2.5 Ngokuzwisia kwakho ihlathululo yamathiyori womThethokambiso wobulelesi ahlathululwe etheksthini eku-1.1 nokuyeleta okwenzenka eenthombeni ezingehlezi akhe uhlathulule bona ngokuzwisia kwakho ungathi ngiwuphi umhlobo wethiyori wokujezisa osetjenziswe eenthombenezi. Sekela ipendulwakho. (2)

IMITLOMELO YESIGABA A: **30**

ISIGABA B: UKURHUNYEZA**UMBUZO 2**

Fundisa itheksthi engenzasi bese uayirhunyeza ngokwemiyalo onikelwe yona.

IMIYALO:

1. Ngamagama angadluli kwama-70, rhunyeza ngendima uveze **amaphuzu amithelela emimbi ebangelwa kunikelwa kwemali yesondlo sabentwana**.
2. Umutjho owutlolako endimeni awube nomqondo OWODWA opheleleko.
3. Tlola ngelimi elitsengileko ngombana uzokwabelwa imitlomelo emi-3.
4. Sebenzisa amagamakho, ungabuyeleti utole njengombana kutloliwe etheksthini ngombana uzokulahlekelwa imitlomelo.
5. Tlola inani lamagama owasebenzisileko ekupheleni kwesirhunyezo sakho.

ITHEKSTHI C
IMITHELELA EMIMBI EBANGELWA KUNIKELWA KWEMALI YESONDLO SABENTWANA

Ekadeni bengeze wabona umntwana ongaphasi kweminyaka eli-18 azithwele. Amalanga la, nange unganaye umntwana bewube seminyakeni le uthathwa njengasabuya nentambo ekuthezeni. Ukube umbuso uyalemuka bona imali le inomthelela omumbi kangangani ekuziphatheni kwelutjha nakamanye amalunga womphakathi ngabe ubuyekeza indlela eyabiwa ngayo. Umnqopho karhulumende ngemali le kwakukusiza abentwana abatlhagako, khulukhulu abanganababelethi nalabo ababelethi babo abangasebenziko kodwana akusese njalo namhlanje.

Abentwana abasafundi, batholakala sebazithwala bebabuyeleta ngombana bafuna imali le. Nakusikolo abasanandaba naso sebathembele ekuphileni ngemali yasimahla yesondlo sabentwana. Imali le yenza bona abentwana abanengi bazithole sele banomulwana wentumbantonga ngombana basuke baye emsemeni bangakazivikeli ngomnqopho wokobana babe sidisi kanti sebazifaka engozini. Namhlanje sithola urhulumende aqalene nobudisi bokobana nakwabiwa iimali kubekelwe ngeqadi imali yemitjhoga egongobalisa umulwana wentumbantonga.

Iimali le ikhuphula izinga labantu abangasebenziko ngenarheni le ngombana ukungafundi kwabentwanaba kutjho khona bona angeze bawuthola umsebenzi nanyana sebasezingeni lokobana bangayokusebenza. Ukukhuphuka kwezinga labantu abangasebenziko kukhinyabeza umnotho kanye namahlelo karhulumende wokuthuthukisa inarha le. Urhulumende ugcina sele atlhayelwelwa yimali yokuphakela abantu iinsetjenziswa ngendlela ekungiyo ngombana imali enengi iya esondlwani sabentwana. Imali le ingunobangela omkhulu wokobana kukhutjhulwe imali yomthelo urhulumende ayidosa emirholweni yeensebenzi zakhe. Ukukhutjhwa kwemali le kubangela bona kube nokukhwabanisi okunengi okenziwa ziimpahthiswa eziphezulu zombuso ngokubambisana neenlangano ezinikelwe amathenda wokobana zirholise abantu ekufanele bayamukele. linsebenzi zombuso ngokubambisana neenlangano ezirholisa imali le ziyayeba igcine ingakafiki ebantwini ekufanele bayithole.

Ngakelinye ihlangothi imali le sele iphendule izakhamuzi zenarha le iinlelesi ngombana nalabo abentwabobo abangakakulungeli bona bangayithola benza amaqhingga wokobana bagcine sele bayithola. Ngokomthetho karhulumende umbelethi osebenzela umbuso umntwanakhe akukafaneli bona ayithole imali le kodwana okwenzekako kukobana ababelethaba batlolisa abentwabobo njengabentwana beenini zabonofana babomakhelana babo abangasebenziko ukwenzela bona ekugcineni bakwazi ukuthola imali le. Iminden eminengi ayisathelelani amanzi ngonobangela wombango obangwe yimali yesondlo sabentwanesi.

[Ithethwe ku-inthanethi yatjhugululelwesa esindebeleni]

IMITLOMELO YESIGABA B: 10

ISIGABA C: IZAKHI NEMITHETJHWANA YOKUSETJENZISWA KWELIMI**UMBUZO 3****ISIKHANGISO**

Qalisisa isikhangiso esingenzasi bese uphendula imibuzo elandelako.

ITHEKSTHI D

YONDLA INDENAKHO NGOKUDLA OKUMNANDI KWEKUSENI!!

ZIFUMANELE IBHEGA USUTHE NTI ILANGA LOKE!!

PHAKATHI IFAKWE I-LETTUCE, ITAMATI NENYAMA YEKOMO



UKUDLA OKUTHONTISA AMATHE NOKUTJHELELA KAMNANDI EMPHINJENAKHO.

Imibandela:

- Uyakhetha bona uyifuna ikhambe nebhlegana lesiselo esimakhazanofana nama-*chips*.
- Isiphetjhalesi sithoma nge-iri le-7 bekube li-iri le-9 kwaphela.

[Sithethwe ku-www.images.com]

3.1 Dzubhula iinkhekhe zekulumo ezilandelako ezisetjenziswe esikhangisweni esingehla.

3.1.1 Isabizwana senani/sokubala. (1)

3.1.2 Ongumnini/Ubunikazi. (1)

3.1.3 Isandiso sesikhathi. (1)

- 3.2 Tlola inani lemali elikhonjiswe esikhangiswenesi ngamagama welimi ohlolwa ngalo. (1)
- 3.3 Tsomula igama elisetjenziswe njengesenzukuthi esikhangisweni esingehla uzakhele ngaso umutjho ozitlamele wona kuvele bona uyayazi ihlathululo yaso. (2)
- 3.4 Tlola isizathu esenze bona abatloli besikhangiswesi basebenzise udwi (-) egameni elithalelweko emutjhweni ngamunye kengenzasi.
- 3.4.1 Uyazikhethela bona uyifuna ikhambe nebhlegana lesiselo esimakhaza nofana nama-chips. (1)
- 3.4.2 Isipetjhalesi sithoma nge-iri le-7 bekube li-iri le-9 kwaphela. (1)
- 3.5 Tshwaya ngelihlo elibukhali isikhangiswesi uqalise ekutjhayisaneni kwemiqondo emibili esiyethulako. (2)
[10]

UMBUZO 4: IKHATHUNI

Qalisa ikhathuni engenzasi bese uphendula imibuzo elandelako.

ITHEKSTHI E

Iwu! Thembinkosi, bengingakalemuki bona nesiKhethu sesiyatholakala emahlelweni wekhomphyutha. Mbala baqinisile abadala nabathi ukukhamba kancani kufana nokugijima. IsiKhethu ngiyosiphasa ngamalengiso, ngiyakutjela mfana.

[Sithethwe ku-www.images.com]

- 4.1 Tlola ELINYE igama elitjho iLimi lesiKhethu elikhulunyiswa ekhathunini le. (1)
- 4.2 Tlola umhlobo wepambosi yesenzo olungelelw esenzweni esithi; 'sesiyatholakala' esisetjenziswe ekhathunini engehla. (1)
- 4.3 Hlangana namatjhuguluko-mdumo atjengiswe ekhomphyutheni yabesanaba ngiliphi elimqondofana nelithi ukurhwalabhisa? (1)
- 4.4 Tlola iinkhekhe zekulomo ezakhe/ezibumbe ibizovanganofana ibizoqarha elithi; 'Thembinkosi'. (2)

4.5 Khetha ipendulo enembako kezingenzasi.

Isibabazo esithi; 'Iwu!' esisetjenziswe ngomunye wabesana abasekhathunini engehla le simumethe umqondo woku ...

- A wokuthaba.
- B wokurareka.
- C wokudana.
- D wokufunga.

(1)

4.6 Buyelela utlole umutjho ongenzasi lo bese kuthi igama elithalelwko kiwo liveze umqondo wokuvuma.

Thembinkosi bengingalemuki bona nesiKhethu sesiyatholakala emahlelweni wekhomphyutha.

(1)

4.7 Tlola bona isenzo esithalelwko emutjhweni ongenzasi lo sikuyiphi indlela yesenzo.

Angeze ngisafeyila isiKhethu ngiyakutjela mfana!

(1)

4.8 Dzubhula amagama asisaga ekhathunini engehla le bewunikele nehlathululo yaso.

(2)

[10]

UMBUZO 5

Funda itheksthi engenzasi bese uphendula imibuzo elandelako.

ITHEKSTHI F

Abantu abanengi eSewula Afrika nawubabuza bona ngikuphi ukudla okubalulekileko okudliwa ephasini lekhethu. Ipendulo iba budisi. Ephasini lekhethu kuhlala abantu abanamasiko ahlukahlukenecho. Phela ukudla kukhambisana nesikopilo yaleso naleso sitjhaba. limvakatjhi ezisuke zize ngevakatjhobukela lapha eSewula Afrika zikhamba zinambitha ukudla okuhlukahlukeneko, kusukela kilokho kwesintu kufikela 5 kokwesikuwa okutholakala emahotela. Ukubona isiqumama esifinya ngendololwana, sithenga ihloko yemu namawutwana elokitjhini akurari. Ukudla nakho kumnandi nawukudla ngendlela yakhona.

Kunomrorho otholakala ePumalanga yaboNaspoti ekuthiwa ligutjha onambuluka ngathi bulwembu nawuwunghwathako. Abawaziko bathi uzele ngamaphrotheyini. 10 Indaba yokudla kweminyanyeni nemingcwabeni aysaphathwa. Abanye abantu ubezwa bakhakhazisa ukudla kwemingcwabeni bathi; 'Emngcwabeni kwasibanibani sidle kamnandi khulu besabuyelela'. Abantu bayasunduzana, kubangwe ukudla kwemingcwabeni. Abanye basuka emazindleni ngebelo elikhulu bajarhele ukuyokujama umjeje wokuphakelwa ukudla. Ukobana emzini lowo kulilwa ezingomiko 15 ngokulahlekelwa lilunga lomndeni abakutjheji lokho.

- 5.1 Buyelela utole umutjho ongenzasi lo kodwana ujamiselele igama elithalelwoko ngegama lesiNdebele samambala.

Abantu abanengi eSewula Afrika nawubabuza bona ngikuphi ukudla okubalulekileko okudliwa ephasini lekhethu abakghoni ukukuphendula. (1)

- 5.2 Funda umutjho ongenzasi bese udzubhula igama lokubolekwa kiwo.

Umrorho wegutjha uzele ngamaphrotheyini. (1)

- 5.3 Thatha igama elithalelwoko emutjhweni ongenzasi ultjhugulule libe libizo bese wakha ngalo umutjho ozozitlamela wona.

Phela ukudla kukhambisana nesikopilo yaleso sitjhaba. (2)

- 5.4 Thatha imitjho engenzasi le uytlole kube mumutjho owodwa usebenzise isihlanganisi esifaneleko.

Ipendulo iba budisi. Ephasini lekhethu kuhlala abantu abanamasiko ahlukenecho. (2)

5.5 Tlola umutjho ongenzasi lo ube yikulomo engakanqophi.

Abanye abantu bathi; 'Emngcwabeni kwasibanibani sidle kamnandi khulu besabuyelela'.

(2)

5.6 Tsomula amagama asisitjho asetjenziswe etheksthini engehla bese usisebenzisa emutjhweni ozozitlamela wona kuvele bona uyayazi ihlathululo yaso.

(2)
[10]

IMITLOMELO YESIGABA C: 30

INANI LOKE: 70